

منهج دراسة نقد الإلحاد المعاصر للمبتدئين

محمد شاهين التاعب

بسم الله الرحمن الرحيم السلام عليكم ورحمة الله وبركاته. ده فيديو هعرض فيه باذن الله عز وجل مجموعة كتب بالترتيب. الشخص اللي عاوز يدخل المجال الرد على الملحدين ودراسة الالحاد وتفنيده شبهات الملحدين. وموضوع اثبات وجود الله وهكذا. يقرأ هذه الكتب بنفس - [00:00:00](#)

في الترتيب. الكتب دي كلها ميزتها هي انها اصبحت متوفرة على شبكة الانترنت. من فترة قريبة جدا فلذلك جمعت كل الكتب اللي هي متوفرة على شبكة الانترنت وهتلاقي روابط التحميل اسفل الفيديو جمعتها بالترتيب - [00:00:25](#)

اللي مفروض تقرا ايه قبل ايه وان شاء الله باذن الله عز وجل تجدوا ان هذا مفيد جدا لكل من يريد آآ دراسة الالحاد والرد على الملحدين. بدأت ولن بكتابين - [00:00:46](#)

الكتاب الاول سابغات لاحمد يوسف السيد طبعة مركز تكوين. كتاب سابغات ما بيتكلمش عن الالحاد حاد بشكل مباشر لكنه كتاب مهم من ناحية ان انت تكون درع او حماية او اه زي ما بنقول كده مناعة فكرية - [00:01:00](#)

ضد الشبهات الفكرية المعاصرة. فبالتالي لو فتحنا كتاب سابغات وده من ضمن الكتب اللي بيتم تدريسها في آآ صناعة المحاور. هتلاقوا هنا فهرس الموضوعات معالم الموجة التشكيكية المعاصرة وسماتها وطبيعتها التأثير بها - [00:01:26](#)

كويس وبعدين اسباب التأثير السلبي بالشبهات الفكرية كيف تتعامل مع الشبهات الفكرية المعاصرة وبعدين في ابرز الشبهات المعاصرة التي يثيرها الملحدون والدينيون ومنكرو السنة وبعدين خلاصات في ابواب فكرية مهمة - [00:01:50](#)

المواضيع دي كلها هتلاقي مسلا ايه هنا آآ قواعد وكذا وكذا كل دي امور مهمة جدا لازم خدها في بالك. في هنا مسلا شبهات حول وجود الله. فادلة وجود الله شبهات حول القرآن الكريم. شبهات حول رسول الله. شبهات حول التشريع الاسلامي. شبهات - [00:02:08](#)

حول السنة حول الاجماع. كل الحاجات دي المفروض ان هي اصول الشخص يكون مدرکها ومزاكرها كويس قبل ما اصلا يدخل اي مجال فيه شبهات فكرية او فيه سجلات فكرية او حاجات زي كده. الكتاب ده رغم ان طباعته ممكن - [00:02:28](#)

اه تخينة شوية لكن الكتاب مش حجمه كبير هو قطع صغير شوية ميتين وتلاتين صفحة الكتاب ده بالكامل بيتم آآ يعني من ضمن مناهج آآ صناعة المحاور. طب الكتاب اللي بعده انا - [00:02:49](#)

قلت له برضو مقدمة في غاية الاهمية. كتاب الاجابة. القرآن واسئلتك الوجودية للدكتور مهاب السعيد مركز براهيم. الكتاب ده متوفر على الشبكة. بي دي اف ومتوفر على جوجل بلاي. لو دخلت على جوجل - [00:03:07](#)

جوجل بوكس هتلاقي كتاب الاجابة الفري سامبل النموذج المجاني هتلاقوا الكتاب بالكامل متاح كويس؟ الكتاب آآ بتاع مهاب السعيد المفروض انه في موضوع الالحاد لكن هو بيتناول القضية اقرب للمسلم يعني انا حابب ان انت تقرا الكتاب ده في بدايات دخولك آآ مجال الالحاد والرد - [00:03:27](#)

الملحدين وهكذا ان انت تقرا الموضوع من ناحية القرآن واسئلتك الوجودية مراعاة الناحية الايمانية لك انت قبل ما تدخل في صراع ملحدين والكلام ده كله موضوع في غاية الاهمية. طيب - [00:03:57](#)

غالبا مركز براهيم بتحت الفهرس في في اخر الكتاب. زي ما قلت الكتاب موجود متوفر حاليا على الشبكة. لو نبص صف السريع على الفهرس. الكتاب يعتبر مقدمات كثيرة جدا لمواضيع كثيرة جدا يجب ان انت ايه - [00:04:16](#)

تكون مطلع عليها كلها في عندك هنا آآ مقدمة تفاصيل واسرار حين يتكلم الله هي عيب قطب مهاب السعيد او ومش عيب قوي ان

الفهرس ما بيدلكشي بشكل مباشر هو انت بتتكلم عن ايه تحديدا؟ ممكن تاخذ - [00:04:36](#)

خد بالك ممكن ما تاخدش بالك. هنا السؤال الاحمق هل يوجد اله وحاجات كثيرة بالمواضيع دي؟ اللي انا حابب اقول لكم عليه هنا

مسلا السؤال الاشد حقا من خلق الله الذين رسبوا في اختبار الخط عن شبهات الربوبيين والغاية - [00:04:59](#)

من الخلق كذا كذا. الكتاب هتلاقوه ممتع جدا جدا جدا. يعني ما فيش واحد نصحته بكتاب الاجابة لمهاب السعيد الا وقال لي ان

الكتاب رائع جدا وممتع جدا وشده جدا جدا - [00:05:20](#)

هكذا. كويس؟ فهو الكتاب تلتمية ستة وتسعين صفحة. لكن هتلاقوه باذن الله عز وجل آآ ممتع جدا ودي تعتبر اول طريقك في

موضوع الالحاد بعد كتاب سايفات. كويس. تبدأ بايه بعد كده؟ فيه عندك - [00:05:41](#)

تاب صغير وممتاز في باب الالحاد للمبتدئين للدكتور هشام عزمي. دليلك المختصر في الحوار بين الايمان والالحاد حاد. الكتاب

موجود بي دي اف وموجود على جوجل بلاي جوجل بوكس الفري سامبل او العينة المجانية هتلاقوا - [00:06:01](#)

ليه الكتاب بالكامل؟ كويس؟ الكتاب صغير حجمه حوالي مية واحد واربعين صفحة لكنه هام جدا جدا في باب. يعني زي ما تقول كده

ايه المختصر المفيد في الموضوع. هنا الفصل الاول بتتعرف بقى - [00:06:21](#)

لحاجة اسمها الالحاد الجديد. اللي هو الالحاد اللي بيروجوا ريتشارد دوكنز ودانيال دانت وسام هاريس وكريستوفر والناس التعبانة

في مخها دي فانا كاتب الفصل الاول تعريف عن الالحاد الجديد واسباب الوقوع واسباب وقوع الشباب فيه وهكذا. وبعدين الفصل

التاني ادلة - [00:06:41](#)

الادلة على وجود الله. والفصل ده خلاصة رائعة جدا جدا وضعها الدكتور هشام عزمي ربنا يحفضه ويبارك فيه. والتفصيل ده زاكروه

كويس يعني شف هو كاتب قد ايه المبادئ العقلية الغرائز القيم الاخلاقية دي تحت ايه؟ تحت دلالة الفطرة على وجود - [00:07:06](#)

الله. التقسيم ده مهم يا الكتاب ده محتاج يتذاكر كل الكتب محتاجة تتذاكر يعني احنا في هذا الفيديو بنقدم زي ما نقول كده ايه

مكتبة هي طبعا انا شخصيا انصح ان لو انت عايز تبقى متخصص - [00:07:27](#)

تقرا كل الكتب اللي تقع تحت ايدك في مجال الالحاد والرد على الملحدين. لكن انا بقول ان انت تبدأ بالترتيب اللي انا وضعه ده علشان

انت اسس نفسك بشكل جيد - [00:07:46](#)

بعد كده تقدر تقرا زي ما انت عايز. هنا لاحزوا الكتاب ده تقسيماته وفهرسته وفهرساته واضيع بشكل منطقي مهم جدا وعاجبني جدا.

فهنا دلالة الفطرة على وجود الله المبادئ العقلية الغرائز القيم الاخلاقية - [00:08:00](#)

وبعدين في عندك حاجات كثيرة كده كده كده ده سرد ممتاز جدا للادلة على وجود الله المختصر المفيد الخلاصة في المصاصة زي ما

الاح محمود داوود بيقول. الفصل الثالث اطروحات الالحاد في - [00:08:20](#)

وقت الادلة على وجود الله بعض اعتراضاتهم والرد عليها. وبعدين نقد اطروحات الالحاد وفي الاخر آآ المكافحة الالحاد فده كتاب

صغير لكنه مدخل جيد جدا لموضوع الالحاد الجديد الكتاب اللي بعده كتاب مهم جدا جدا - [00:08:41](#)

كتاب ميليشيا الالحاد مدخل لفهم الالحاد الجديد. للشيخ عبدالله بن صالح العجيري كويس الكتاب ده برضو موجود كي دي اف على

الشبكة من فترة مركز تكوين المفروض ان هم بيحطوا - [00:09:07](#)

الفارس في الاول هنا الكتاب ده عبارة عن ايه الكتاب ده عبارة عن يعني مواضيع كسيرة جدا مختلفة الشيخ عبدالله العجيري يريد ان

يلفت انتباه الشخص اللي عاوز يدرس موضوع الالحاد الجديد والرد على الملحدين - [00:09:26](#)

الشيخ عبدالله العجيري بيقول لك خد بالك المواضيع دي مهمة وخد بالك الموحدين بيعملوا كذا. خد بالك الملحدين بيثيروا هذه

الافكار بيعتمدوا عليها بيروجوها ايا كان فالكتاب ده مهم جدا. هنا كاتب ايه؟ في الفهرس مسلا. عندك - [00:09:47](#)

الالحاد الجديد التطورات والسمات والخصائص. وكاتب لك كده السمة الاولى الحماسة والحرص الشديد على الدعوة للالحاد. عدائية

خطاب استعمال اداة الارهاب كذا كذا كذا. وبعدين الاقتراب بالعدسة محليا الالحاد وشبابنا. توصيات ومراجعات - [00:10:07](#)

لتطوير اداء الخطاب العقدي. فهنا ده المفروض زي ما قلت مدخل للشخص اللي عاوز يدخل بجد في موضوع نقد الالحاد الجديد

الاحاد المعاصر لازم يقرأ الكتاب ده بدقة. وانا بنصح ان انت تاخذ بالك من كل - [00:10:27](#)

كل حاجة بيشير اليها الشيخ عبدالله العجيري. تاخذ بالك من الاسماء اللي هو بيشير اليها كرموز. الافكار اللي بيشير اليها تبتي

تاخذها في بالك. اسماء الكتب والمراجع سواء للملحين او لمؤمنين بيردوا على الملحين - [00:10:47](#)

الكتاب ده المفروض تلخصه كويس قوي بحيث ان انت في نهاية الكتاب يبقى عندك حصيلة معرفية غزيرة جدا بكل رموز الاحاد

الجديد وافكارهم وايه الحاجات اللي بيدعوا اليها وهكذا؟ في المقابل يبقى عندك معرفة - [00:11:05](#)

جيدة جدا بكثير من المراجع اللي المفروض آآ تدرسها وتقرأها فيما بعد لو عايز تتخصص بعمق شديد. هنا في في الخاتمة في تلت

ملاحق في عندك ملحق رقم اثنين المادة النقدية للفكر الاحادية وكتبه مراجع اجنبية متعلقة بالاحاد الجديد. حفح - [00:11:25](#)

في الاخر الملحقين دول لان دول في غاية الاهمية. هنا عندك ايه؟ هنا في عندك المادة النقدية للفكرة الاحادية. ده للشيخ سلطان

العميري. الشيخ سلطان عميري عمل ايه؟ جاب الكتب المتوفرة على الشبكة - [00:11:52](#)

وقعد يقول يلخص فكرتها وايه ويقول لك مدى تقييمه لهذا الكتاب. كل الكتب دي موجودة على الشبكة لو دورت على مكتبة المقتدين

لمقارنة الايدان او على المكتبة الوقفية او على جوجل بشكل عام هيطلع لك الكتاب ده - [00:12:13](#)

فبالتالي ادي عندك قائمة كتب وهنا لاجز التوصيات دي برضو مهمة. كويس. ادي عندك قائمة كتب والدكتور سلطان العميري كاتملك

الكتب دي تقييمه وفكرته وهكذا. طيب ممتاز. واخل بالك هو قايل لك هو متوفر ولا لا - [00:12:33](#)

انا اغلب ظني ان الغالبية العظمى من الكتب متوفرة على الشبكة. هنا بقى الكتب دي قائمة كبيرة من الكتب الاجنبية الكتب دي كثيرة

قوي ان انت تقرأها. لكن انا قرئت منهم كتير - [00:12:57](#)

حوقف الكاميرا كده او وقف التسجيل وخذ وقت ان انت او طبعا الكتاب ده اصلا موجود في دي اف لكن انا اقصد هنا ايه؟ انا معلم

على بعض الكتب بعض الكتب دي موجودة مترجمة وبعضها مش موجود مترجم. لكن الكتب دي اللي انا معلم عليها موجودة على

صفحة المدونة - [00:13:15](#)

عصير الكتب. يعني الكتب دي اتقرت واتلخصت وموجودة على المدونة عندي. كويس؟ لو افوت على بسرعة لان هي مهمة جدا.

داروينز بلالك بوكس دي مترجمة تبع براهين. مترجمة تبع براهين - [00:13:38](#)

دي مش مترجمة. ده مترجم تبع ابراهيم. والكتاب الجديد بتاعه مترجم تبع ابراهيم ده مش مترجم. ده جزء من كتاب اقوى براهين

جون لينوكس مش مترجم ده مترجم. ده جزء من اقوى براهين - [00:13:58](#)

جزء من اقوى براهين جون نينوس لكن جوتز اندرتيكر ده موجود مترجم بالكامل. مترجم ايقونات تطور العلم ودليل التصميم ده

مترجم. توقيع في الخلية ده مترجم. مش مترجم ده كيس فور كريتر القضية الخالق مترجم. ده مش مترجم. ده مش مترجم. تصميم

الحياة مترجم - [00:14:28](#)

تبع براهين مش مترجم. وهم الشيطان مترجم تبع دلائل. مش مترجم مش مترجم هناك اله مترجم تبع براهين واللي هو رحلة عقل

عمرو شريف دكتور عمرو شريف مش مترجم. فيه كتب تانية كتير هنا انا قريتها لكن ما كنتش لسه قريتها ما علمتش عليها. فراجع -

[00:14:58](#)

صفحة عصير الكتب علشان تاخذ بالك من كل الحوار ده الكتاب اللي بعد كده كتاب شموع النهار برضه للشيخ عبدالله العجيري.

اطلالة على الجدل الديني الاحادي المعاصر في مسألة الالهي. كويس؟ الكتاب ده المفروض انه بيناقش موضوع - [00:15:28](#)

اثبات وجود الله وايه هي الجدل المعاصر حوالين اثبات وجود الله الشيخ عبدالله العجيري بيعرض المؤمنين ايه ويعرض الملحين

بيقولوا ايه كويس هنا آآ الله بين الفطرية المعرفة وكذا وكذا مستويات دلالة الفطرة على وجود الله. ادي الفطرة وعندك هنا ده اقوى

جزء في الكتاب واهم جزء في الكتاب - [00:15:49](#)

مستويات دلالة الدلالة الفطرية على وجود الله. دلالة المبادئ العقلية الاولية النزعة الاخلاقية الجانب الغريزي الشعور بالغائية الشعور

بالارادة الحرة. ده عرض رائع جدا ومفصل وهو قريب من عرض الدكتور هشام عزمي في كتابه الاحادي - [00:16:20](#)

المبتدئين لكن عرض الشيخ عبدالله العجيري آآ اكثر استفادة بكثير. هنا دلالة العقل اولا الخلق والايجاد وكاتب لك عنها مواضيع
وبعدين في بعض الاعتراضات ويبرد عليها وبعدين دليل النظم والاحكام. وكاتب عنها مواضيع - [00:16:40](#)
كثيرة وهكذا. الكتاب ده محتاج يدرس. يدرس كويس جدا. كويس فده كتاب معاصر هام جدا في الادلة على وجود الله وهو كتاب
يعني جيد جدا. الكتاب اللي بعده متوفر بي دي اف - [00:17:04](#)

حديثا كتاب اختراق عقل. دلائل الايمان في مواجهة شبهات الملحدين والمتشككين للدكتور احمد ابراهيم. تبع مركز دلائل لو نبص
على الفهرس الكتاب بيتناول مواضيع كثيرة جدا من ضمنها الادلة على وجود الله ومن ضمنها ايه؟ الرد - [00:17:24](#)
على ابرز اعتراضات الملحدين المعاصرين كويس؟ ففي هنا الفصل الاول طبيعة وخصائص الادلة على وجود الخالق ودي مقدماته
مقدماته ومناقشاته للمقدمات في غاية الاهمية وفي غاية الروعة ولازم تفهم الكلام ده كويس اوي. الفصل الثاني دليل السببية
وبيناقشه وبيناقش اعتراضات عليه - [00:17:46](#)

وهكذا. الفصل الثالث دليل الاتقان والاحكام وكاتب عنه كلام كثير. صفات الخالق ومقتضياتها من الدليلين سابقين وده جزء رائع جدا
وممتاز. بحيث ان بيقول لك احنا عندنا في الاصل دليلين كبار او ثلاث ادلة. المفروض - [00:18:11](#)

ان كل شيه مبني على دليل فطرة زي ما الشيخ عبدالله العجيري بيبين في كتاب شموع النهار. وبعدين مين الادلة الفطرية نبتدي نفهم
الايجاد والخلق والاحكام والاتقان. طب بناء على كل اللي احنا درسناه ده هل احنا بنقدر نحدد صفات - [00:18:31](#)
الخالق بعقلنا وبفطرتنا بناء على اللي احنا درسناه ده من ايجاد وخلق واحكام واتقان ودلائل الفترة ايوه فده جزء مهم جدا وبعدين

مرحلة ما بعد الدليل مباحث كثيرة متفرقة وبعض الاشكالات اللي بي طرحها الملحدين بيرد عليها. فده كتاب رائع - [00:18:51](#)
طيب الكتاب اللي بعده كتاب كبير واصبح متوفر بي دي اف كتاب اسمه اقوى براهين جون لينوكس في تفنيد مغالطات منكري الدين
جمعه وعلق عليه المهندس احمد حسن الكتاب ده عبارة عن خلاصة كتب جون لينوكس وهو عالم رياضيات مشهور جدا بريطاني -
[00:19:12](#)

ازر كبار رؤوس الالحاد. ناظر ريتشارد دوكنز ونظر غيره. فهنا جاد ان ستيفن هوكينز جادز اندرتيكر جانينج فورجاد ودي طبعة
جديدة ده موجود مترجم آآ لمكتبة مسيحية وهو متوفر على شبكة الانترنت - [00:19:39](#)
وان شاء الله احط الرابط بتاعه ايضا اسفل الفيديو مع كل هذه الروابط بتاعة الكتب اللي انا بعرضها طيب لو نبص على الكتاب طبعا
الكتاب آآ اكبر اضخم كتاب في المجموعة اللي انا آآ بعرضها دلوقتي - [00:19:59](#)

فين انا آآ المفروض ان هم حاطين الفهرس اه حاطين فهرس مختصر كله في صفحة واحدة خمسمية واحد وستين آآ صفحة هنا
كاتب الباب الاول الالحاد علميا وبعدين الباب الثاني الالحاد انسانيًا. الالحاد علميا على اساس الرد على الملحدين ان - [00:20:19](#)
ما فيش ادلة علمية على الالحاد وان العلم مع الايمان قولوا واحدا. وبعدين هنا ان الالحاد لا يقدم للانسان شيه ومن حياة الانسان بدون
الايمان بالله ولا شيه. فهنا كاتب آآ حافلة الملحدين الجدد مجال علم هل يستطيع العلم الاجابة - [00:20:47](#)

وعلى كل شيه اشهر العلماء على مر العصور يؤمنون بالخالق. هل القوانين هي الخالق؟ هل يتعارض الايمان؟ كذا كذا. الكتاب ده
محتاج يتذاكر كويس محتاج يتذاكر كويس وهو من اقوى الكتب - [00:21:07](#)
وانا اتمنى يعني عندنا علماء كبار زي كده جون لي نينوكس. اتمنى مثلا ان يبقى في عام يبقى فيه كتاب اقوى براهين وييليام كريج
في تفنيد مغالطات منكري الدين هيبقى كويس كتاب رائع هيبقى كتاب رائع جدا. طيب اللي بعده كتب هامة جدا جدا. ده كتاب -

[00:21:22](#)
الالحاد وسقية التوهم وخواء العدم للدكتور حسام الدين حامد. الكتاب ده من الكتب اللي انا مع الوقت باقدرها اكثر واكثر. في البداية
يمكن ما كنتش مقدر الكتاب قد كده. لكن - [00:21:50](#)

بعد كده بدأت اقدر الكتاب اكثر واكثر. الكتاب له طبعتين والمتوفر على الشبكة طبعة مركز تفكر. لكن الكتاب بين نفس الحاجة يعني.
فهنا كاتب هنا دايمًا الكتاب بيتناول مباحث وافكار كثيرة جدا مختلفة - [00:22:07](#)

وهو يجمع ما بين الكلام بشكل مش هنقول عاطفي لكن بنوع من انواع اللي هو ادعو الى سبيل ربك بالحكمة والموعظة الحسنة.
حكمة بمعنى الادلة والاحكام وكذا. وادلة علمية وكده - [00:22:27](#)

وموعظة حسنة بمعنى اشياء مفروض ان هي ترقق القلب. وانا شخصيا يعني هذا الكتاب لمسني وحرك دمعي ويعني ويمكن في الاول
لما كتبت عنه مراجعة للفيس بوك ما كنتش مقدر كتاب حق قدره وما كنتش - [00:22:47](#)
مقدر قيمة الموعظة الحسنة الاشياء التي تحرك القلب وهكذا لكن الامر مهم جدا الدكتور حسام اه حسام الدين حامد بذل مجهود اكثر
من رائع في هذا الكتاب الحقيقي هنا يعني كل هذه النقاط يمكن انت ما تفهمش بالظبط آآ هو بيتكلم عن ايه بحسب المواضيع -
[00:23:07](#)

اللي هو حاططها في في الفهرس لكن الكتاب بيتناقش بينا نقاش مواضيع علمية وبيناقش مواضيع آآ معنوية زي ما قلت موعظة حسنة
وهكذا اصول كثيرة الملحين بيلحدوا على اساسها دكتور حسام الدين حامد مفندها بشكل رائع جدا و آآ - [00:23:35](#)
الكتاب ده مفروض يقرأ بعناية. الكتاب اللي بعده واحنا داخلين على على ثلاث كتب صعيبين. صعيبين مادتهم في اغلبها ثقيلة ومحتاجة
تركيز علشان كده حطيتهم في الاخر خالص. كتاب ثلاث رسائل في اللاحاد والعلم والايمان لعبدالله ابن سعيد الشهري - [00:24:02](#)
هي دي النسخة المتوفرة على على النت. النسخة البي دي اف بتاعة طبعة نماء. آآ اصدر صدر للكتاب طبعة تانية ثلاث رسائل في
اللاحاد والعقل والايمان طبعة مركز براهين. لكن هي دي النسخة المتوفرة بي دي اف. الطبعة التانية - [00:24:22](#)
الشيخ كاتب في مقدمتها ان اللي قرأ الطبعة الاولى تغنيه عن شراء الطبعة التانية. لكن هو ايضا كاتب ان الطبعة تانية مزيدة ومنقحة.
وان هو اضاف عليها اه فهارس كثيرة واطاف عليها زي ما تقول توثيقات - [00:24:42](#)

كثيرة ان كان في بعض مسلا اقتباسات او بعض الاقوال ليست عليها مراجع اضافها واطاف تعليقات كسيرة في الهامش لكن هو
بيقول الفكرة الرئيسية للكتاب لم تتغير. والاضافة والتحقيق والتنقيح اللي هو عمله في الطبعة التانية. يعني اللي قرا الاولانية -
[00:25:02](#)

مش ضروري يقرأ التانية او مش ضروري يشتري التانية. انا رأبي اشتري التانية. ان انت هتحتاج تقرا الكتاب اكثر من مرة. هتحتاج
الكتاب اكثر من مرة. هتحتاج تقرا الكتاب اكثر من مرة. فيه كتب كده بتحتاج تقراه اكثر من مرة. من ضمنها ثلاث رسائل في اللاحاد
والعلم والايمان. فانا - [00:25:22](#)

انصح ان انت تشتري الطبيعتين او تملك الطبيعتين. الطبعة التانية الجديدة لسة مش موجودة في دي اف. لكن ممكن تشتريها من
جوجل درايف على ما اظن هشوف لو مركز براهين نشره على جوجل درايف ولا لا - [00:25:42](#)
المهم ان انت ممكن تقرا الطبعة الاولى ثلاث رسائل في اللاحاد والعلم والايمان. وبعدين اقرا الطبعة التانية لان انت تحتاج تقرا الكتاب
مرتين طيب الكتاب ده عبارة عن ايه؟ عبارة عن ثلاث رسائل او ثلاث مواضيع واحدة في اللاحاد وواحدة في العلم وواحدة في
الايمان - [00:25:55](#)

كويس؟ الجزء الخاص بالعلم والايمان خصوصا الجزء الخاص بالعلم ده جزء محتاج تقربي عناية. فهنا الرسالة الاولى اللاحاد الجديد
تاريخ وواقع. وبعدين الرسالة الثانية مبحث في العقل هو هنا مسميه اللاحاد والعلم هنا مسميه مبحث في العقل. فهو غير العنوان في
الطبعة التانية اللاحاد والعقل والايمان - [00:26:15](#)

طيب وبعدين الرسالة الثالثة آآ تتمات ونقولات وتعليقات. كويس؟ فالكتاب الجزء ده تحديدا الجزء ده تحديدا اللي هو لو احنا بصينا
من الصفحة رقم تسعة وتسعين لمية سبعة وسبعين ده جزء مهم جدا لازم يتقل بعناية. بيتكلم فيه عن العقل وتصور للعقل -
[00:26:41](#)

والجزء ده مهم جدا. طيب هنا برضه اللاحاد الجديد في جزء حوالي سبعين صفحة مهم جدا. كويس؟ وايضا التتمات والنقولات في
غاية الاهمية لكن انتم هتلاقوا ايه؟ ان هي عبارة عن فوائد كثيرة متفرقة - [00:27:11](#)
طيب اخر كتابين بختم بهم كتاب مشكلة الشر وجود الله للدكتور سامي عمري وكتاب فمن خلق الله للدكتور سامي عامر؟ مشكلة

الشر وجود الله الرد على ابرز شبهات الملاحدة. دي يمكن الشبهة الوحيدة اللي الملحدين بيحاولوا على اساسها ان هم يلغوا -

[00:27:31](#)

اغوشوا وبشوشوا وبشتتوا اذهان الناس فيما يخص قبول الايمان بالله او هل يعقل ان الاله يكون كده مع وجود الشر والالم وهكذا.

الكتاب ده عميق جدا جدا. كتاب علمي واكاديمي جدا جدا محتاج يتقري بعناية ومحتاج - [00:27:58](#)

يتقري بصبر كويس؟ فهنا لو نبص على الفهر سريعا ودي طبعة آآ هتلاقوا حجمها كورة اصغر من يمكن طبعاات تانية حجمها اكبر

شوية. مش عارف ليه في طبعتين مختلفتين كده؟ ما علينا. هنا - [00:28:18](#)

في منهجنا وكذا وكذا. هنا الشر ونسبته الى الله في التعارض بين وجود الله ووجود الشر. وبعدين كاتب لك بقى الشر. المشكلة

المنطقية للشر. مشكلة الشر الاخلاقي مشكلة الشر المادي مشكلة الشر المجاني. الكلام ده يعني التقسيمات دي مبنية على - [00:28:41](#)

احدث المؤلفات والدراسات الغربية المعنية بالرد على مشكلة الالم ومشكلة الشر فمهم جدا ان انت تلاحز تقسيمات الدكتور سامي

عمري وتلاحز المصطلحات دي شر منطقي شر اخلاقي شر مادي شر مجاني وتفهم الكلام ده كويس قوي وتفهم الصياغات المنطقية

كويس قوي وكيفية - [00:29:05](#)

الرد عليها ومعالجتها ومناقشتها وهكذا اخر كتاب معنا وهو يمكن اخر كتاب معنا وهو يمكن اصعب كتاب فمن خلق الله نقد الشبهة

الاحادية اذا كان لكل مخلوق خالق فمن اذا خلق الله في ضوء التحقيق الفلسفي والنقد - [00:29:33](#)

خلي بالك الكتاب مش مجرد رد على سؤال فمن خلق الله لكن لو انت قرئت الكتاب وبحثت فيه هتلاقي ان الموضوع مهم جدا جدا

وعميق جدا جدا ومحتاج ان انت تقراه بعناية. في الادلة اللي بيحججها الدكتور سامي عمري في الانتقادات اللي الدكتور سامي عامري

بينتقدتها - [00:29:53](#)

على الناس اللي بتطعن مسلا في قانون السببية او اللي بتتكلم عن آآ على انه بيلغي السببية وهكذا والصياغات المنطقية اللي الدكتور

سامي عمري بيستدل بها والاعتراض اللي في الاخر الدكتور سامي عامري بيرد عليها وخصوصا الملحق اللي في الاخر اللي الدكتور

سامي عمري - [00:30:24](#)

بيرد فيها على وليم لينك ريد. خلي بالك الفهرس كبير وعميق. هنا مسلا في الاخر في ملحق البرهان الفلسفي والعلمي لخلق المادة

والزمان بين القرآن الكريم والتوراة والانجيل ده جزء - [00:30:53](#)

يعني في غاية الاهمية في غاية الاهمية وانا بقول الجزء ده يتدرس كويس قوي لان في اشياء كثيرة جدا او في مواضع كثيرة جدا.

احنا بنقرأ كتب لنصارى زي جون لينوكس وزى ويليام لينك ريد وزى هيوراس وغيرهم - [00:31:17](#)

بيقولوا ادلتهم على وجود الله والكلام ده كله. ولكن في اغلب هذه الكتب بتلاقي دعوة للتصير ويليام لينك ريد ما بيفتوش الفرصة ما

بيفتوش الفرصة. جون لينوكس مم برضو نصراني بروتستانتني يكح ما بيفتوش الفرصة - [00:31:42](#)

يعني الجزء ده مهم ان انت لما تقرا هذا الكتاب وتلاقي مثلا ان الدكتور سامي عامري بيتكلم عن حاجة اسمها الدليلوجي على وجود

الله اللي هو الاستدلال بقانون السببية على وجود الله ان كل حادث له سبب الكون حادث يبقى الكون له سبب ونبحث - [00:32:03](#)

في ان هذا السبب هو الله لما بنيجي نقول الكون حادث بنستدل على ده عقليا ومنطقيا وعلميا بالبيج بانك فالتالي الدكتور سامي

بيشكل على النصارى بيقول لهم انتم اصلا في اعتقادكم فكرة حدوث العالم - [00:32:26](#)

ان ده ثابت بشكل قطعي في كتابكم. وثابت بشكل قطعي في تراثكم فالنقطة دي مهمة وبعدين بيتناقش في هذا الموضوع بالتفصيل

في هذا الملحق. لكن لو احنا بصينا على العناوين هنا هتلاقوا - [00:32:51](#)

السؤال القديم من خلق الله؟ والنقطة دي مهمة يمكن بعض المسلمين ما بيدركوش مدى اهمية السؤال السؤال المذكور في حديث نبوي

شريف والدكتور سامي بيتكلم عن هذا الموضوع. وازاي نتعامل مع هذا السؤال - [00:33:10](#)

وبعدين بيلفت انظارنا ان كبار الملحدين وكبار اللا ادريين اللي بيميلوا للتصميم السؤال ده عامل لهم مشكلة. يعني بول ديفيس نفسه

فمن خلق الله؟ دا مشكلة عنده. الله! يبقى السؤال دا يحتاج الى ان احنا نبذل الوقت علشان ننفده وندرسه - [00:33:31](#)

وبعدين ريتشارد دوكنز فمن خلق الله وغيره من الملاحدة الكبار فمن خلق الله. فيه اشكال عندهم في السؤال فبالتالي يحتاج اذا الى تفصيل. ما ينفعش ناخذ الموضوع زي ما الدكتور سامي قال ان ما فيش موضوع تافه - [00:33:57](#)

لأ في موضوع رائد وموضوع غير رائد. فاذا كان هذا الموضوع هو مشكلة الشر لهم رواج كبير يبقى الزم نعطي لهم الوقت والتفصيل. طيب هنا التشكيك في الحتمية كذا كذا كذا. وبعدين في آآ يعني الكلام ده - [00:34:18](#)

انا انصح ان انت تقرا الكتاب بتمعن تخلي الكتابين بتوع الدكتور سامي دول في الاخر مشكلة الشر وجود الله في من خلق الله ان باذن الله عز وجل ان انت بعد ما تكون قرأت كل هذه الكتب تكون وصلت في النهاية الى ان - [00:34:45](#)

نورت عندك بشكل كبير وحطيت رجلك على عتبة التخصص تخصص في مجال رد على الالحاد والملحدين راجعوا وصف الفيديو لو كان الفيديو عجبكم اتمنى لايك وشير لايك وشير ناس كتيرة جدا بتسأل على قائمة زي كده ادي - [00:35:08](#)

قائمة وتعليقات عن القائمة واشارة لكل كتاب واهمية المواضيع اللي في الكتاب وهكذا. وروابط التحميل ان شاء الله في اسفل الفيديو. لا تنسوني من صالح دعائكم واللي مش مشترك في القناة يشترك في القناة. والسلام عليكم ورحمة الله وبركاته - [00:35:32](#)

- [00:35:52](#)